

Språkrådet

Oslo, 25.03.2022

Høyringsvar frå Norsk Målungdom til rettskrivingsendringar

Norsk Målungdom (NMU) organiserer ungdom frå heile Noreg i arbeidet for at alle skal ha høve og rett til å skrive nynorsk, og for å fremje nynorsk, dialektbruk og språkleg mangfald på alle samfunnsområde. Vi er glade for høvet til å komme med innspel til høyringa om endringar i rettskrivinga for nynorsk og bokmål. NMU støttar stort sett endringane, men har to punkt vi vil gi ekstra merksemd.

Vi ønskjer først å støtte framlegget i punkt 4.1.1 pronomenet *hen*. Norsk Målungdom har i fleire år brukt *hen* som pronomen i tilfelle der ein ikkje kjenner kjønn på personen ein talar om. At dette no kan bli offisiell rettskriving gjer seg godt. *Hen* tilfører noko som manglar i språket, og vi meiner det gir eit klart og konsist språk.

NMU vil også igjen ta opp vårt syn til norvagisering. Det bør vere eit generelt mål om at ord som er mykje brukt i norsk, skal kunne skrivast på norsk vis. Sjølv om den norvagiserte forma ikkje vert teken like mykje i bruk, også etter 25 år. Det bør alltid vere mogleg å velje ei norvagisert form. Dette innspelet går spesielt til punkt 4.1.5.

Beste helsing

Norsk Målungdom



Frida Pernille Mikkelsen, leiar